

Mensahe 10

**Ang Sentro ug Mahinungdanong Punto  
sa Mga Basahon sa Pagpahiuli sa Esdras  
ug Nehemias—ang Husto ug Igong Pagpanguna  
diha sa Pahiuli sa Ginoo**

Basahong Kasulatan: Neh. 8:1-10; 13:14, 29-31;  
Mat. 20:25-28; 23:8-13; Heb. 13:7

- I. Sa walay kataposang pamatigayon sa Dios ug sa pahiuli sa Ginoo, nag-agad sa espirituhanong kapasidad ang pagpanguna; dili opisyal, permanente, iya-sa-organisasyon, o iya-sa-herarkiya ba ang pagpanguna—1 Tes. 1:5; 2:1-14; 5:12-13; Heb. 13:7, 17, 24:**
- A. Sukwahi sa natural nga hunahuna ang hunahuna sa Ginoo kalabot sa pagpanguna; sa pagkatinuod walay pagpanguna sa natural nga kahulogan diha sa katawhan sa Dios—Mat. 20:25-28; 23:8-13:
1. Sa pamatigayon sa Dios sa Bag-ong Tugon, nagpasabot og pagkau-lipon ang pagpanguna; bisan kinsang buot manguna kinahanglan nga andam gyong mahimong ulipon—Mar. 10:35-45.
  2. Gihulma sa pagtubo sa kinabuhi ug lugwa sa panginahanglan ang pagpanguna; kon walay panginahanglan, dili mapadayag ang pagpanguna—1 Ped. 5:1-3.
  3. Aron mapadaplin ang tawhanong hunahuna sa pagpanguna, gitudlo sa Dios nga mag-agad gyod kanunay sa espirituhanong kapasidad ang pagpanguna diha sa Iyang katawhan—Buh. 13:2, 9; 14:12; Gal. 2:11-14.
  4. Walay organisadong pagpanguna diha sa pahiuli sa Ginoo, ug walay organisasyong nagpausa; naa hinuoy usa ka Ulo nga direktang nagmando sa tanang miembro, ug naay usa ka organismo, ang Lawas—Efe. 1:22-23.
- B. Matod pa sa Bag-ong Tugon, espirituhanon ang pagbulot-an sa mga apostol ug naa kini sa pagpangalagad nila sa pulong—Buh. 2:42; 2 Cor. 13:5-6; 1 Tes. 2:13:
1. Wala silay pagbulot-an sa posisyon nga manghilabot sa mga atimanonon sa iglesia; ang pulong ra nga gipangalagad nila ang dunay pagbulot-an—Col. 4:16; Heb. 13:7.
  2. Nisunod ang mga iglesia sa mga apostol kay naa man sa mga apostol ang pagtulon-an sa Bag-ong Tugon—Fil. 2:12; Buh. 20:17-36.
  3. Kon masaag o masimang ang iglesia, obligasyon ug kaakohan sa mga apostol ang pagsulbad sa sitwasyon sumala sa pulong sa Dios, nga dunay pagbulot-an—vv. 26-27; 2 Cor. 10:6; 2 Tim. 1:13; 4:2.
  4. Gipalugwa, gipalig-on, ug gilimitihan sa pagtulon-an sa mga apostol ang pagpanguna—Tito 1:9.
- C. Sa Bag-ong Tugon dunay usa ka pagpangalagad nga dunay usa ka pagpanguna—Buh. 1:17, 25; 2 Cor. 4:1:

## Mensahe 10 (sumpay)

1. Nabahin ang Cristianidad karon kay daghan man kaayo ang nanguna; kay usa ra man ang pagpangalagad, dili gyod unta mokapin sa usa ang pagpanguna.
2. Usa ra ang pagpanguna kay usa ra man ang Dios, ang Ginoo, ug ang Espiritu; ang usang pagpanguna aron man maampingan ang pagkausa sa Espiritu alang sa Lawas ni Cristo—Efe. 4:3-6.
3. Gipakita sa Bag-ong Tugon kanato ang tinugyanang pagbulot-an sa Dios diha sa nangunang mga igsoon sa pagpangalagad, pagbulot-an nga alang sa pagtukod—2 Cor. 13:10:
  - a. Naa sa pagtulon-an sa nangunang mga igsoon ang tinugyanang pagbulot-an sa Dios—1 Cor. 4:17b-21; 7:17b; 11:2; 16:1; 2 Tes. 3:6, 9, 12, 14.
  - b. Ang pagpanudlo sa mao rang butang sa tanang dapit sa tanang iglesia pagpadayag man sa tinugyanang pagbulot-an ni Pablo—1 Cor. 4:17b.
- D. Ang pagpanguna diha sa pagpangalagad sa Bag-ong Tugon labi nga naa sa pagtulon-an sa Bag-ong Tugon kaysa nangunang mga igsoon mismo sa pagpangalagad sa Bag-ong Tugon—Buh. 2:42; 2 Tim. 3:10.

## **II. Ang pagpanguna diha sa pagpangalagad sa Bag-ong Tugon mao ang pagpanguna sa nagkontrol nga panan-awon sa walay kataposang pamatigayon sa Dios, dili ang pagpanguna sa tawong nagkontrol; nipahayag si apostol Pablo nga, “Wala ko mosupak sa langitnong panan-awon”—Buh. 26:19:**

- A. Gipadayag ang walay kataposang pamatigayon sa Dios pinaagi sa mga apostol, apan kay dili na man husto ang pagsabot sa mga magtutuo niini, kinahanglan kining ipahiuli sa Ginoo; ang walay kataposang pamatigayon (Gk. *oikonomia*) sa Dios mao ang administrasyon Niya sa panimalay nga ipaambit ang Iyang Kaugalingon diha ni Cristo ngadto sa piniling katawhan Niya aron makabaton Siyag balay nga magpadayag Niya, ug kining balaya mao ang iglesia, ang Lawas ni Cristo—Efe. 3:2, 8-9; 1 Tim. 1:3-4; 3:15; Efe. 1:10; 2:21-22; 1 Ped. 4:10.
- B. Nagpasabot ang *pagpahiuli* og pagpabalik sa normal nga kahimtang human madaot o mapildiha; nagpasabot ang *pagpahiuli* og pagbalik sa tuyo ug sukdanan sa Dios sa sinugdan ingon sa gipadayag sa Kasulatan, nga sumala sa pag-abante karon sa pagpahiuli Niya sa mga sulod sa walay kataposang pamatigayon sa Dios:
  1. Ang pahiuli sa Ginoo pagpahiuli man ni Cristo nga atong sentro, realidad, kinabuhi, ug tanan sa hingpit nga pagpangalagad Niya sa pagpakatawo, paglakip, ug pagpakusog—Col. 1:17b, 18b; Sal. 80:1, 15, 17-19; Juan 1:14; 1 Cor. 15:45b; Bug. 2:4-5, 7, 17; 3:7-8, 12-13, 17-22; 4:5; 5:6; Juan 6:57; 14:21, 23; 21:15-17; itandi sa Jer. 32:39.
  2. Ang pahiuli sa Ginoo pagpahiuli man sa pagkausa sa Lawas ni Cristo—Juan 17:11, 21-23; Efe. 4:3-4a; Bug. 1:11.

Mensahe 10 (sumpay)

3. Ang pahiuli sa Ginoo pagpahiuli man sa kagamitan sa tanang bahin sa Lawas ni Cristo—Efe. 4:15-16; Rom. 15:16; 1 Ped. 2:5, 9; 1 Cor. 14:1, 4b, 12, 26, 31, 39; Jer. 31:33-34 (tan-awa ang nota 1 sa v. 33).
- C. Bag-ohon gyod kining panan-awona sa sulod nato adlaw-adlaw aron mahimong nagkontrol nga panan-awon sa tibuok kinabuhi, buhat, ug kalihokan nato—1 Juan 1:7; 1 Ped. 2:9; Isa. 2:5; Sal. 119:105; 36:8-9.
- D. Kanang mobiya ang tawo sa pahiuli sa Ginoo nagpasabot nga wala gyod siya sukad makakita kon unsa ang pahiuli sa Ginoo; kon wala ta makakitag panan-awon sa pahiuli sa Ginoo, sa pagkatinuod wala ta sa pahiuli sa Ginoo—Buh. 26:13-19; itandi sa Gen. 13:14-18.
- E. Duna gyod untay tin-awng panan-awon sa walay kataposang pamatigayon sa Dios kitang naa sa pahiuli sa Ginoo ug magpadumala, magpakontrol, ug magpagiya dayon ning panan-awona, kay nia man ta aron magtuman sa walay kataposang pamatigayon sa Dios diha sa Iyang pahiuli.
- F. Ang pagpanguna diha sa pahiuli sa Ginoo pagpanguna man sa hinatag-sa-Dios nga panan-awon sa walay kataposang pamatigayon sa Dios nga maglimiti, maggiya, ug magkontrol nato aron malikayan ang kagubot ug pagbahinbahin—Prov. 29:18a.
- G. Basaha ang pakapin gikan sa *Ang Panan-awon sa Panahon*.

**III. Ang sentro ug mahinungdanong punto sa mga basahon sa pagpahiuli sa Esdras ug Nehemias mao ang husto ug igong pagpanguna—Neh. 8:1-10:**

- A. Diha sa pahiuli sa Ginoo duna tay pagpanguna sa usang nagkontrol nga panan-awon sa usang pagpangalagad pinaagi sa mga nagpadangat sa panan-awon—Efe. 3:3-5, 9; Col. 1:24-29:
  1. Niingon si Pablo nga siya ug ang mga masigka-magbubuhay niya “mga sulugoon ni Cristo ug mga piniyalan sa mga misteryo sa Dios” (1 Cor. 4:1); mga piniyalan sila, nga nagpaambit sa langitnong panan-awon sa mga misteryo sa Dios sa mga magtutuo; kining mga misteryoha mao si Cristo nga misteryo sa Dios ug ang iglesia nga misteryo ni Cristo (Col. 2:2; Efe. 3:4; 5:32); kining pag-alagad nga nagpaambit, ang pagkapiniyalan, mao ang pagpangalagad sa mga apostol (3:2, 8-9).
  2. “Gipangayo sa mga piniyalan nga magmatinumanon sila” (1 Cor. 4:2); sama ni Pablo, kinahanglan nga “kaluy-an [ta] sa Ginoo nga magmatinumanon” (7:25b; 1 Tim. 1:12) aron mahimo tang matinumanong mga ulipon, nga kanunayng mohatag og espirituhanong kalan-on sa panimalay sa Dios, mangalagad sa pulong sa Dios ug ni Cristo nga sangkap sa kinabuhi sa mga magtutuo sa iglesia (Mat. 24: 45-47); gusto ta mahimong mga tawo nga matinumanon sa buhat sa Ginoo ning panahona aron makaambit ta sa kalipay sa Ginoo sa sunod nga panahon, nga makaamgo nga ang pagdayeg

## Mensahe 10 (sumpay)

- ug ganti sa Ginoo walay kalabotan sa gidak-on ug gidaghanon sa atong buhat, kondili sa atong pagkamatinumanon sa paggamit nato sa Iyang gasa sa kinahingpitan gyod (25:21-23; itandi sa Bug. 3:8).
- B. Diha ra sa pagpanguna sa matinumanong mga tawo sama nila ni Nehemias ug Esdras nga maumol pag-usab ang Israel aron mahimong panghimatuod sa Dios, ang pagpadayag sa Dios dinhi sa yuta, katawhang lahi gyod kaayo sa Gentil nga mga nasod; hulagway kini sa gusto sa Dios nga kahimtang sa iglesia karon—Neh. 13:14, 29-31; 1 Tim. 3:15.
- C. Nasayod si Nehemias nga kon wala si Esdras dili siya makaumol pag-usab sa katawhan sa Dios:
1. Sa pag-umol pag-usab sa nasod, nakaamgo si Nehemias nga wala siya masayod sa Pulong sa Dios.
  2. Inila si Esdras sa kahibalo niya sa Pulong sa Dios, ug andam si Nehemias nga magpatabang niya.
- D. Sumala sa diosnong prinsipyo, ang hustong pagrepresentar sa Lawas pinaagi gyod sa mga giparis sa uban—1 Cor. 1:1; Exo. 4:14b-16:
1. Pagkamakinaugalingon ang pag-inusara, apan kanang ipadala kuyog sa usa pa ipadala man sumala sa prinsipyo sa Lawas—Luc. 10:1; Buh. 13:1-3; Rom. 12:5; 1 Tes. 1:1.
  2. Pagsupak sa prinsipyo sa Lawas ang pagbuhat nga magkinaugalingon.
  3. Sa pahiuili sa Ginoo dinalian gyong gikinahanglan ang tinuod nga buhat sa pagtukod sa Lawas; apan, mabuhat lang kining buhat sa pagtukod sa mga masigka-magbubuhat nga giparis—Fil. 2:19-22.
- E. “Gipakita sa Ginoo kanako nga nag-andam Siyag daghang igsoon nga moalagad isip mga masigka-ulipon nako sa sinakot nga paagi. Gibati nako nga sangkap kini sa Ginoo alang sa Iyang Lawas segun sa pagbuot Niya, ug ang takdo-sa-panahon nga paagi sa pagtuman sa Iyang pagpangalagad”—Witness Lee, March 24, 1997 (*The Collected Works of Witness Lee, 1994–1997*, vol. 5, “A Letter of Fellowship with Thanks,” p. 525).

### **Pakapin gikan sa *Ang Panan-awon sa Panahon*:**

#### **NAGSUNOD GYOD SA NAKOMPLETONG PANAN-AWON NING PANAHONA**

Aron makaalagad ta sa Dios karon, maglakip gyod ang atong panan-awon sugod sa unang panan-awon ni Adam sa Genesis hangtod sa kinataposang panan-awon sa pagkadayag sa iglesia, sa Bag-ong Jerusalem. Kini ug kini ra gyod ang kompletong panan-awon. Karon pa hingpit nga nabuksan kanato kining panan-awona.

## Mensahe 10 (sumpay)

Sa National Palace Museum sa Taipei, dunay hulagway diha sa taas nga linukot nga pinintal nga ginganlag “The River Scene at Ching-Ming Festival” (Ang Talan-awon sa May Suba sa Pista sa Ching-Ming). Detalyeng gihulagway niini ang kultura, kinabuhi, ug batasan sa mga Intsik sa panahon sa pagpintal ning hulagwaya. Dili paigo nga tan-awon ra nimo ang unang pila ka bahin niadtong taas nga linukot nga pinintal. Tan-awon gyod nimo sugod sa usa ka tumoy ngadto sa pikas tumoy aron makita ang klarong hulagway, o “panan-awon,” sa tibuok bulok sa kinabuhi sa China. Maingon man sab, duna tay kaugalingong pinintal nga hulagway, ang “River Scene at Ching-Ming” nato sa pag-alagad nato sa Dios. Nagsugod kini sa panan-awon ni Adam sa kahoy sa kinabuhi sa tanaman sa Eden ug nisangko sa Bag-ong Jerusalem nga may kahoy sa kinabuhi. Ang Bag-ong Jerusalem maoy kataposang talan-awon ning panan-awona. Human niana wala na tay makita pa.

...Nag-alagad ta sa Dios segun sa kataposang talan-awon, nga naglakip na sa tanang nag-unang talan-awon...

Kay naa man tay takdo-sa-panahon ug kinataposang panan-awon, magsunod gyod ta niini. Wala gyod ta magsunod og tawo; nagsunod hinuon tag panan-awon. Dakong sayop gyod ang pag-ingon nga nagsunod tag tawo. Nagsunod tag panan-awon nga iya karong panahona. Kini ang nahingpit na nga panan-awon sa Dios.

Gidala sa atong hinigugmang Brother Nee kanato ang pahiuli sa Ginoo. Tungod niini siyay gipunterya sa mga ataki. Sa 1934 naminyo siya sa Hangchow. Gigamit sa uban kining higayona sa pag-ukay og kagubot. Nasubo kaayo siya, busa usa ka adlaw niana giadto nako siya aron alam-alaman, nga nag-ingon, “Brother Nee, nasayod ka nga dili natural ang relasyon natong duha. Wala ko motaak sa dalan nga imong gilakwan o mosangyaw ba sa imong gisangyaw tungod sa natural nga pakighigalaay nako nimo. Naglagyo kaayo tang duha. Taga-amihanan ko, ug taga-habagatan ka. Nitaak ko karon sa maong dalan dili tungod kay nisunod ko nimo nga tawo. Nagsunod ko sa dalan nga imong gilakwan. Brother Nee, gusto kong masayod ka nga bisan pag usa ka adlaw niana dili na ka molakaw ning dalana, molakaw gihapon ko niini.” Gisulti nako kini kay nakaapekto man sa uban ang kagubot, ug naka-hukom sila nga dili na molakaw ning dalana. Sa ato pa, daghan ang nagsunod og tawo. Kon morag nausab na kanang tawhana, mobiya sila. Apan giingnan nako si Brother Nee nga, “Bisan pag usa ka adlaw niana dili na ka molakaw ning dalana, molakaw gihapon ko niini. Wala ko molakaw niini tungod nimo, ug dili ko mobiya niini tungod nimo. Nakita nako nga kini ang dalan sa Ginoo. Nakita nako ang panan-awon.”

Kalim-ag duha ka tuig na ang nilabay. Wala gyod ko magmahay karon sa akong gihimo. Ning nilabayng kalim-ag duha ka tuig, nakita nako

## Mensahe 10 (sumpay)

ang mao rang sugilanon nga gisublisubli. Dunay mga tawong nanganhi ug namiya. Nausab ang usa ka talan-awon, ug niabot ang laing talan-awon. Sukad sa pagsugod sa buhat nato sa Taiwan, ning nilabayng katloan ka tuig, nasaksihan nato ang pila ka dagkong hitabo. Bisan ang mga brother nga nadala nako sa kaluwasan ug nakaagi sa kaugalingon nakong mga pagbansay namiya man sa pahuli sa Ginoo. Wala gyod sukad mausab ang panan-awon, apan nausab gyod ang mga tawo, ug nausab sab ang mga nisunod sa panan-awon. Mamulong kog ugdang nga pulong kaninyong tanan gikan sa kinahiladman sa akong kasingkasing. Sa kaluoy sa Ginoo, makabarog ko dinhi karon aron magdala kaninyo ning panan-awona. Nanghinaot ko nga wala mo magsunod nako nga tawo; nanghinaot ko nga sa kaluoy sa Ginoo nagsunod mo sa panan-awong gipakita nako kaninyo...

Isugilon nako ninyo ang usa ka hitabo. Kaluoy sa Ginoo nga gipadayag Niya kanako ang panan-awon. Tambagan mo nako nga dili mosunod nako, kondili sa panan-awong gibilin kanato ni Brother Nee ug sa tanang sulugoon sa Ginoo sa tanang nilabayng kapanahonan, ug gipasa na nako ninyo. Panan-awon gyod kini nga naglakip sa unang talan-awon ni Adam hangtod sa kataposang talan-awon sa Bag-ong Jerusalem. (pp. 47-50)